

Adroddiad i'r: Pwyllgor Craffu Perfformiad

Dyddiad y Cyfarfod: 11 Ebrill 2013

Awdur yr Adroddiad: Y Cydlynnydd Craffu

Teitl: Rhaglen Waith Craffu

1. Beth yw byrdwn yr adroddiad?

Mae'r adroddiad yn cyflwyno blaenraglen waith ddrafft y Pwyllgor Craffu Perfformiad er mwyn i'r aelodau ei hystyried.

2. Beth yw'r rheswm am lunio'r adroddiad hwn?

Ceisio cael y Pwyllgor i adolygu a chytuno'i raglen waith i'r dyfodol a rhoi'r diweddaraf i'r aelodau ar faterion perthnasol.

3. Beth yw'r argymhellion?

Bod y Pwyllgor yn ystyried y wybodaeth a ddarperir ac yn cymeradwyo, yn diwygio neu'n newid ei flaenraglen waith fel yr ystyria'n briodol.

4. Manylion yr adroddiad.

- 4.1 Mae Erthygl 6 Cyfansoddiad Cyngor Sir Ddinbych yn gosod amodau gorchwyl, swyddogaethau ac aelodaeth pob Pwyllgor Craffu, wrth i reolau'r gweithdrefnau i bwyllgorau craffu gael eu cyflwyno yn Rhan 4 y Cyfansoddiad.
- 4.2 Mae'r Cyfansoddiad yn amodi fod rhaid i bwyllgorau craffu'r Cyngor baratoi a chadw adolygu rhaglen ar gyfer eu gwaith i'r dyfodol. Trwy adolygu a blaenoriaethu materion, gall aelodau sicrhau fod y rhaglen waith yn cyflwyno agenda dan arweiniad yr aelodau.
- 4.3 Arfer sydd wedi'i fabwysiadu yn Sir Ddinbych ers nifer o flynyddoedd yw bod pwyllgorau craffu'n cyfyngu ar nifer yr adroddiadau a ystyrir mewn unrhyw un cyfarfod i uchafswm o bedwar, yn ogystal ag adroddiad rhaglen waith y Pwyllgor ei hun. Nod y dull hwn yw hwyluso dadl fanwl ac effeithiol ar bob pwn.
- 4.4 Gofynnir i'r Pwyllgor ystyried ei raglen waith ddrafft ar gyfer cyfarfodydd y dyfodol, fel y manylir yn atodiad 1, a'i chymeradwyo, ei diwygio neu ei newid fel yr ystyria'n briodol gan ystyried:
- y materion a godwyd gan aelodau'r Pwyllgor
 - y materion a gyfeiriwyd ato gan y Grŵp Cadeiryddion ac Is-gadeiryddion Craffu

- perthnasedd i flaenoriaethau'r Pwyllgor/y Cyngor/y gymuned
 - Cynllun Corfforaethol y Cyngor ac Adroddiad Blynyddol Cyfarwyddwr y Gwasanaethau Cymdeithasol
 - bodloni'r baich gwaith
 - amseroldeb
 - canlyniadau
 - materion allweddol a gwybodaeth i'w cynnwys mewn adroddiadau
 - swyddogion ac/neu aelodau arweiniol y Cabinet y dylid eu gwahodd (gan ystyried oes angen iddynt fod yn bresennol neu a fyddent yn ychwanegu gwerth)
 - cwestiynau i'w gofyn i'r swyddogion/aelodau arweiniol y Cabinet
- 4.5 Wrth ystyried eitemau i'w cynnwys ar y blaenraglen waith i'r dyfodol, gallai'r aelodau ei chael hi'n ddefnyddiol ystyried y cwestiynau canlynol hefyd wrth benderfynu ar addasrwydd cynnwys pwnc ar y rhaglen waith:
- beth yw'r mater?
 - pwy yw'r rhanddeiliaid?
 - beth edrychir arno mewn manau eraill?
 - beth mae angen i graffu ei wybod? a
 - phwy allai gynorthwyo o bosibl?
- 4.6 Fel y crybwyllwyd ym mharagraff 4.2 uchod, mae Cyfansoddiad y Cyngor yn gofyn i bwyllgorau craffu baratoi a chadw adolygu rhaglen ar gyfer eu gwaith i'r dyfodol. Er mwyn cynorthwyo'r broses o flaenoriaethu adroddiadau, os ydy'r swyddogion o'r farn fod pwnc yn haeddu cael amser i'w drafod ar agenda fusnes y Pwyllgor, mae'n rhaid iddynt ofyn yn ffurfiol i'r Pwyllgor ystyried derbyn adroddiad ar y pwnc hwnnw. Gwneir hyn trwy gyflwyno 'ffurflen gynnig' sy'n egluro pwrpas, pwysigrwydd a chanlyniadau posibl y pynciau a awgrymir. Nid oes y fath ffurflen gynnig wedi dod i law i'w hystyried yn y cyfarfod hwn.

Blaenraglen Waith y Cabinet

- 4.7 Wrth benderfynu ar eu rhaglen waith i'r dyfodol, mae'n ddefnyddiol i bwyllgorau craffu ystyried amserlen rhaglen waith y Cabinet. I'r perwyl hwn, mae copi o flaenraglen waith y Cabinet ynghlwm yn Atodiad 2.

Adroddiad Gwella Blynyddol Swyddfa Archwilio Cymru

- 4.8 Yn wreiddiol, trefnwyd i'r adroddiad blynyddol hwn ar berfformiad gael ei gyflwyno yn y cyfarfod hwn. Fodd bynnag, gan fod y Cyngor yn parhau i aros am fersiwn ddrafft yr Adroddiad Blynyddol gan Swyddfa Archwilio Cymru, nid oedd modd cyflwyno'r adroddiad i'r cyfarfod hwn. Felly, gyda chaniatâd y Cadeirydd, mae'r eitem hon bellach wedi'i haildrefnu i raglen waith y Pwyllgor ar gyfer ei gyfarfod ym mis Mai 2013.

Cynnydd ar Benderfyniadau'r Pwyllgor

- 4.9 Mae tabl sy'n crynhoi penderfyniadau diweddar y Pwyllgor ac sy'n rhoi gwybod i aelodau am gynnydd o ran eu gweithrediad ynghlwm yn Atodiad 3 i'r adroddiad hwn.

5. Y Grŵp Cadeiryddion ac Is-gadeiryddion Craffu

Dan drefniadau craffu'r Cyngor, mae'r Grŵp Cadeiryddion ac Is-gadeiryddion Craffu'n perfformio rôl pwyllgor cydlynu. Cyfarfu'r Grŵp hwn ar 7 Mawrth ac yn y cyfarfod hwnnw, penderfynwyd bod canfyddiadau'r Adolygiad o Gyhoeddiadau'r Cyngor, a drefnwyd yn wreiddiol ym mlaenraglen waith y Pwyllgor Craffu Cymunedau ar gyfer mis Mai 2013 yn fwy cydnaws â chylch gwaith y Pwyllgor hwn. Gan fod y Pwyllgor Craffu Cymunedau eisoes wedi rhestru pedair eitem ar gyfer ei gyfarfod ym mis Mai, argymhellwyd bod yr eitem yn cael ei throsglwyddo i flaenraglen waith y Pwyllgor Craffu Perfformiad. Cytunodd y Cadeirydd i'r cais hwn a threfnwyd i'r eitem gael ei chyflwyno i'r Pwyllgor hwn yn ei gyfarfod ar 20 Mehefin.

6. Sut mae'r penderfyniad yn cyfrannu at y Blaenoriaethau Corfforaethol?

Bydd craffu effeithiol yn cynorthwyo'r Cyngor i gyflawni ei flaenoriaethau corfforaethol yn unol ag anghenion y gymuned a dymuniadau'r trigolion. Bydd datblygiad ac adolygiad parhaus o raglen waith gydlynol yn cynorthwyo'r Cyngor wrth fonitro ac adolygu materion polisi.

7. Beth fydd y gost a sut bydd yn effeithio ar wasanaethau eraill?

Gallai fod angen i wasanaethau glustnodi amser swyddog i gynorthwyo'r Pwyllgor gyda'r gweithgareddau a nodwyd yn y blaenraglen waith a chydag unrhyw gamau a allai ddeillio o'r ystyriaeth ganlynol o'r eitemau hynny.

8. Pa ymgynghoriadau a gynhaliwyd?

Nid oes angen rhai i'r adroddiad hwn. Fodd bynnag, mae'r adroddiad ei hun a'r ystyriaeth o'r flaenraglen waith yn cynrychioli proses ymgynghori gyda'r Pwyllgor mewn perthynas â'i raglen waith i'r dyfodol.

9. Pa risgiau sydd ac a oes unrhyw beth y gallwn ni ei wneud i'w lleihau?

Ni nodwyd unrhyw risgiau mewn perthynas â'r ystyriaeth o flaenraglen waith y Pwyllgor. Fodd bynnag, trwy adolygu ei flaenraglen waith yn rheolaidd, gall y Pwyllgor sicrhau bod y meysydd risg wedi'u hystyried a'u hastudio wrth iddynt gael eu nodi a gwneir argymhellion gyda'r bwriad o fynd i'r afael â'r risgiau hynny.

10. Y grym i wneud y penderfyniad

Mae Erthygl 6.3.7 Cyfansoddiad y Cyngor yn amodi bod rhaid i bwyllgorau craffu'r Cyngor baratoi a chadw adolygu rhaglen ar gyfer eu gwaith i'r dyfodol.

Swyddog Cyswllt:

Cydlynnydd Craffu

Rhif Ffôn: (01824) 712554

E-bost: csd_gweinyddol@sirddinbych.gov.uk